

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-717/22
Sarajevo, 12.4.2022. godine

Z A P I S N I K
12. VANREDNE SJEDNICE DOMA NARODA PARLAMENTA FEDERACIJE
BOSNE I HERCEGOVINE, održane 12.4.2022. godine

Sjednica je počela sa radom u 12:14 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate i goste u dvorani.

Izostanak sa sjednice su najavili: Drago Puzigaća, Nikica Bosnić, Daliborka Milović, Senad Čeljo, Senad Ahmetović, Goran Broćeta, Jasminko Kapić i Dragana Damjanović.

Prema evidenciji Stručne službe sjednici prisustvuje 35 delegata, što čini većinu, pa Dom naroda može raditi i punovažno odlučivati.

Vlada Federacije BiH dostavila je Prijedlog zakona o finansijskoj konsolidaciji i restrukturiranju javnih zdravstvenih ustanova u Federaciji BiH, s prijedlogom da se isti razmatra po hitnom postupku.

Na osnovu člana 188. Poslovnika o radu Doma naroda, potrebno je da se Dom naroda izjasni hoće li se ovaj Prijedlog zakona razmatrati po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 31 glasom za, četiri suzdržana glasa i jednim glasom protiv, prihvatio prijedlog da se Prijedlog zakona o finansijskoj konsolidaciji i restrukturiranju javnih zdravstvenih ustanova u Federaciji BiH razmatra po hitnom postupku.

Delegat Jasmin Duvnjak dostavio je Prijedlog zakona o izmjeni i dopuni Zakona o prijevremenom povoljnijem penzionisanju branilaca odbrambeno-oslobodilačkog rata, s prijedlogom da se razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 34 glasa za, dva suzdržana glasa i jednim glasom protiv, prihvatio prijedlog da se Prijedlog zakona o izmjeni i dopuni Zakona o prijevremenom povoljnijem penzionisanju branilaca odbrambeno-oslobodilačkog rata razmatra po hitnom postupku.

Vlada Federacije je dostavila sljedeće prijedloge zakone s prijedlogom da se isti razmatraju po skraćenom postupku i to: Prijedlog zakona o izmjenama i dopunama Zakona o pravima branilaca i članova njihovih porodica, Prijedlog zakona o izmjenama i dopunama Zakona o pravima demobiliziranih branilaca i članova njihovih porodica i Prijedlog zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih porodica.

Predsjedavajući je zatim zamolio delegate da se, na osnovu člana 164. Poslovnika o radu Doma naroda, izjasne da li će se ovi prijedlozi zakona razmatrati po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 37 glasova za, jednim suzdržanim glasom i jednim glasom protiv, prihvatio prijedlog da se Prijedlog zakona o izmjenama i dopunama Zakona o pravima branilaca i članova njihovih porodica razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 36 glasova za, bez suzdržanih glasova i bez glasova protiv, prihvatio prijedlog da se Prijedlog zakona o izmjenama i dopunama Zakona o pravima demobiliziranih branilaca i članova njihovih porodica razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 36 glasova za, bez suzdržanih glasova i bez glasova protiv, prihvatio prijedlog da se Prijedlog zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih porodica razmatra po skraćenom postupku.

Delegati u Domu naroda Jasmin Duvnjak i Senad Čeljo podnijeli su Prijedlog zakona o izmjeni Zakona o pravima branilaca i članova njihovih porodica, s prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 36 glasova za, bez suzdržanih glasova i bez glasova protiv, prihvatio prijedlog da se Prijedlog zakona o izmjeni Zakona o pravima branilaca i članova njihovih porodica razmatra po skraćenom postupku.

Potom se prešlo na usvajanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 38 glasova za, bez suzdržanih glasova i bez glasova protiv, usvojio sljedeći:

D N E V N I R E D

1. Prijedlog zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine - hitni postupak,
2. Prijedlog zakona o izmjeni i dopuni Zakona o prijevremenom povoljnijem penzionisanju branilaca odbrambeno-oslobodilačkog rata (predlagač: Jasmin Duvnjak, delegat u Domu naroda) - hitni postupak

3. Prijedlog zakona o izmjenama i dopunama Zakona o pravima branilaca i članova njihovih porodica – skraćeni postupak,
4. Prijedlog zakona o izmjenama i dopunama Zakona o pravima demobiliziranih branilaca i članova njihovih porodica – skraćeni postupak,
5. Prijedlog zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih porodica – skraćeni postupak,
6. Prijedlog zakona o izmjeni Zakona o pravima branilaca i članova njihovih porodica (predlagači: Jasmin Duvnjak i Senad Čeljo, delegati u Domu naroda Parlamenta Federacije BiH) – skraćeni postupak,
7. Nacrt zakona o psihološkoj djelatnosti u Federaciji Bosne i Hercegovine,
8. Strategija razvoja Federacije BiH 2021.- 2027. godina,
9. Izveštaj Parlamentarne komisije odgovorne za reviziju o revizijskim izvještajima revidiranih subjekata i korisnika Budžeta Federacije Bosne i Hercegovine za 2020. godinu,
10. Izveštaj o zaduženju Federacije Bosne i Hercegovine po osnovu emisije (6Y) obveznica na dan 29.6.2021. godine,
11. Izveštaj o zaduženju Federacije Bosne i Hercegovine po osnovu emisije (12M) trezorskih zapisa na dan 22.6.2021. godine.

Predsjedavajući je prije prelaska na tačke dnevnog reda, uputio srdačan pozdrav svim predstavnicima udruga iz odbrambeno-oslobodilačkog rata.

1. Prijedlog zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine – hitni postupak,

Tekst Prijedloga zakona utvrdila je Vlada Federacije BiH.

Vlada Federacije BiH također je dostavila dva Amandmana koji su postali sastavni dio Prijedloga zakona.

Predstavnički dom Parlamenta Federacije BiH obavijestio je Dom naroda da je na nastavku 31. sjednice, održane 29.3.2022. godine, usvojio Prijedlog zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine, sa dva Amandmana Vlade Federacije koji su postali sastavni dio Prijedloga ovog zakona i tri Amandmana koje je Vlada Federacije prihvatila pa su postali sastavni dio Prijedloga zakona.

Na Prijedlog zakona Amandmane je podnijela grupa delegata u Domu naroda i grupa poslanika u Predstavničkom domu ali te amandmane Vlada Federacije BiH nije prihvatila.

Prijedlog zakona razmatrala su i nadležna radna tijela i dostavila svoje izvještaje.

Prijedlog zakona obrazložila je Snježana Bodnaruk, predstavница Vlade Federacije BiH.

U raspravi su učestvovali Zvonko Marić, Nijaz Musić, Elmedin Konaković, Aljoša Čampara, Boris Krešić, Vesna Saradžić, Senad Alić, Sandra Imširović, Zdenka Džambas, Igor Stojanović, Vitor Handžić, Damir Džeba, Tomislav Martinović, Žarko Vujović, Mladen Simić, Aner Žuljević, Zvonko Marić i Ljubinka Atanasijević.

Predsjedavajući je nakon toga prešao na izjašnjavanje Doma naroda o amandmanima koji su podneseni na Prijedlog zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine.

Ilija Ivić je saopštio da odustaju od amandmana, jer isti nije prošao na Predstavničkom domu.

Na osnovu rezultata glasanja, predsjedavajući je konstatovao da je Dom naroda, sa 30 glasova za, šest suzdržanih glasova i dva glasa protiv, prihvatio Prijedlog zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine.

Predsjedavajući je, nakon toga stavio na glasanje prijedlog zaključka Sandre Imširović i Borisa Krešića.

Na osnovu rezultata glasanja, predsjedavajući je konstatovao da Dom naroda, sa 22 glasa za, šest suzdržanih glasova i četiri glasa protiv, nije prihvatio ovaj zaključak.

Predsjedavajući je nakon toga predložio kratku pauzu od 15 minuta.

2. Prijedlog zakona o izmjeni i dopuni Zakona o prijevremenom povoljnijem penzionisanju branilaca odbrambeno-oslobodilačkog rata (predlagač: Jasmin Duvnjak, delegat u Domu naroda) - hitni postupak

Prijedlog zakona podnio je Jasmin Duvnjak, delegat u Domu naroda.

Predlagač je podnio i amandman koji je dostavljen delegatima.

Predstavnički dom Parlamenta Federacije BiH obavijestio je Dom naroda da je na 15. vanrednoj sjednici, održanoj 6.4.2022. godine, usvojio Prijedlog zakona o izmjeni i dopuni Zakona o prijevremenom povoljnijem penzionisanju branilaca odbrambeno-oslobodilačkog rata sa jednim amandmanom predlagača, koji je postao sastavni dio Prijedloga zakona.

Tekst Prijedloga zakona delegata Jasmina Duvnjaka je istovjetan tekstu poslanika Zijata Mušića.

Prijedlog zakona je dostavljen Vladi Federacije BiH radi davanja mišljenja.

Tekst Prijedloga zakona su razmatrala nadležna radna tijela i dostavila svoje izvještaje.

Prijedlog zakona obrazložio je Jasmin Duvnjak.

U raspravi je učestvovao Ivo Tadić.

Na osnovu rezultata glasanja, predsjedavajući je konstatovao da je Dom naroda, sa 39 glasova za, bez suzdržanih glasova i bez glasova protiv, usvojio Prijedlog zakona o izmjeni i dopuni Zakona o prijevremenom povoljnijem penzionisanju branilaca odbrambeno-oslobodilačkog rata.

Predsjedavajući je, nakon toga stavio na glasanje prijedlog Zaključka Kluba delegata bošnjačkog naroda:

Z A K L J U Č A K

Dom naroda Parlamenta Federacije BiH traži od Vlade FBiH da u roku od 30 dana dostavi u proceduru Prijedlog zakona o izmjeni i dopuni Zakona o prijevremenom povoljnijem penzionisanju branilaca odbrambeno-oslobodilačkog rata, u smislu da se omogući usklađivanje penzija ratnih vojnih invalida, koji su propustili rokove za podnošenje zahtjeva za uvođenje u pravo po ovom zakonu.

Na osnovu rezultata glasanja, predsjedavajući je konstatovao da Dom naroda, sa 29 glasova za, 10 suzdržanih glasova i bez glasova protiv, nije prihvatio ovaj zaključak.

Predsjednik Kluba delegata bošnjačkog naroda je zatražio pojedinačno izjašnjavanje po ovom prijedlogu zaključka.

Na osnovu rezultata pojedinačnog izjašnjavanja, predsjedavajući je konstatovao da Dom naroda, sa 29 glasova za, 12 suzdržanih glasova i bez glasova protiv, nije prihvatio ovaj zaključak.

3. Prijedlog zakona o izmjenama i dopunama Zakona o pravima branilaca i članova njihovih porodica – skraćeni postupak,

Tekst Prijedloga zakona utvrdila je Vlada Federacije.

Predstavnički dom obavijestio je ovaj Dom da je na svojoj 15. vanrednoj sjednici, održanoj 6.4.2022. godine usvojio Prijedlog zakona o izmjenama i dopunama Zakona o pravima branilaca i članova njihovih porodica, u tekstu kako ga je predložila Vlada Federacije.

Prijedlog zakona obrazložio je predstavnik Vlade Federacije BiH.

U raspravi su učestvovali Aner Žuljević, Nijaz Musić i Rasim Kantarević.

Na osnovu rezultata glasanja, predsjedavajući je konstatovao da je Dom naroda, sa 40 glasova za, jednoglasno, usvojio Prijedlog zakona o izmjenama i dopunama Zakona o pravima branilaca i članova njihovih porodica.

4. Prijedlog zakona o izmjenama i dopunama Zakona o pravima demobiliziranih branilaca i članova njihovih porodica – skraćeni postupak,

Tekst Prijedloga zakona utvrdila je Vlada Federacije BiH.

Predstavnički dom obavijestio je Dom naroda da je na 15. vanrednoj sjednici, održanoj 6.4.2022. godine, usvojio Prijedlog zakona o izmjenama i dopunama Zakona o pravima demobiliziranih branilaca i članova njihovih porodica sa jednim amandmanom koji je Vlada Federacije BiH nije prihvatila, ali ga je Predstavnički dom izglasao i tom prilikom usvojen je Zaključak.

Amandman se odnosi na član 16. stav 1. Zakona.

Prijedlog zakona su razmatrala i nadležna radna tijela i dostavila svoje izvještaje.

Prijedlog zakona obrazložio je Mirza Terzo, predstavnik Vlade Federacije BiH.

U raspravi su učestvovali Elmedin Konaković, Aner Žuljević, Ilija Nakić, Mirza Terzo i Jasmin Duvnjak.

Predsjedavajući je, nakon toga na molbu Jasmina Duvnjaka, dao kratku pauzu od pet minuta.

Predstavnički dom Parlamenta Federacije BiH je na 15. vanrednoj sjednici, održanoj 6.4.2022. godine, usvojio Prijedlog zakona o izmjenama i dopunama Zakona o pravima demobiliziranih branilaca i članova njihovih porodica sa jednim amandmanom koji je Vlada Federacije BiH nije prihvatila, ali ga je Predstavnički dom izglasao.

Predsjedavajući je potom stavio na glasanje amandman koji se odnosi na član 16. stav 1. , jer je potrebno da se i Dom naroda izjasni o ovom amandmanu.

Na osnovu rezultata glasanja, predsjedavajući je konstatovao da je Dom naroda, sa 38 glasova za, jednoglasno, usvojio ovaj amandman.

Na osnovu rezultata glasanja, predsjedavajući je konstatovao da je Dom naroda, sa 38 glasova za, bez suzdržanih glasova i bez glasova protiv, usvojio Prijedlog zakona o izmjenama i dopunama Zakona o pravima demobiliziranih branilaca i članova njihovih porodica.

5. Prijedlog zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih porodica - skraćeni postupak,

Tekst Prijedloga zakona utvrdila je Vlada Federacije BiH.

Predstavnički dom Parlamenta Federacije BiH obavijestio je Dom naroda da je na svojoj 15. vanrednoj sjednici održanoj 6.4.2022. godine usvojio Prijedlog zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih porodica, u tekstu kako ga je predložila Vlada Federacije BiH.

Prijedlog zakona razmatrala su također nadležna radna tijela koja su dostavila svoja izvještaje.

Prijedlog zakona obrazložio je predstavnik Vlade Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 35 glasova za, jednoglasno, usvojio Prijedlog zakona o izmjenama i dopunama Zakona o posebnim pravima dobitnika ratnih priznanja i odlikovanja i članova njihovih porodica.

6. Prijedlog zakona o izmjeni Zakona o pravima branilaca i članova njihovih porodica (predlagači: Jasmin Duvnjak i Senad Čeljo, delegati u Domu naroda Parlamenta Federacije BiH) - skraćeni postupak,

Predlagači ovog Zakona su Jasmin Duvnjak i Senad Čeljo, delegati u Domu naroda Parlamenta Federacije BiH.

Predstavnički dom obavijestio je Dom naroda da je na svojoj 28. sjednici održanoj 21.12.2021.godine, usvojio Prijedlog zakona o izmjenama Zakona o pravima branilaca i članova njihovih porodica u tekstu predlagača Kluba poslanika SDA u Predstavničkom domu.

Tekst Prijedloga zakona delegata Jasmina Duvnjaka i Senada Čelje je istovjetan Prijedlogu zakona koji je podnio Klub poslanika SDA u Predstavničkom domu.

Na Prijedlog zakona amandman je podnio delegat Ilija Nakić, i isti je dostavljen predlagačima na izjašnjenje.

Prijedlog zakona razmatrala su nadležna radna tijela koja su dostavila svoje izvještaje.

Prijedlog zakona obrazložio je Jasmin Duvnjak, jedan od predlagača.

U raspravi su učestvovali Zdenka Džambas, Ivo Tadić, Aner Žuljević, Jasmin Duvnjak, Elmedin Konaković i Ilija Nakić.

Predsjednik Kluba delegata hrvatskog naroda je zatražio pauzu od 10 minuta. Nakon pauze, prešlo se na glasanje o ovom prijedlogu zakona.

Na osnovu rezultata glasanja, predsjedavajući je konstatovao da je Dom naroda, sa 40 glasova za, jednoglasno, usvojio Prijedlog zakona o izmjeni Zakona o pravima branilaca i članova njihovih porodica.

Delegatima se na kraju rasprave obratio i predstavnik boračkog udruženja.

7. Nacrt zakona o psihološkoj djelatnosti u Federaciji Bosne i Hercegovine,

Tekst Nacrta zakona utvrdila je Vlada FBiH.

Predstavnički dom Parlamenta Federacije BiH je obavijestio Dom naroda da je na 30. sjednici, održanoj 9.3.2022. godine razmatrao Nacrt zakona o psihološkoj djelatnosti FBiH i Zaključkom ga prihvatio.

Nacrt zakona razmatrala su nadležna radna i dostavila svoje izvještaje.

Nacrt zakona obrazložio je Vesko Drljača, federalni ministar rada i socijalne politike.

U raspravi su učestvovali Sandra Imširović, Boris Krešić, Smiljana Viteškić i Aner Žuljević.

Na osnovu rezultata glasanja, predsjedavajući je konstatovao da Dom naroda, sa 21 glasom za, sedam suzdržanih glasova i četiri glasa protiv, nije prihvatio sljedeći:

Z A K L J U Č A K

- 1) Dom naroda Parlamenta FBiH prihvata Nacrt zakona o psihološkoj djelatnosti FBiH, i smatra da može poslužiti kao osnov za izradu prijedloga zakona.
- 2) Zadužuje se predlagač da organizira i sprovede javnu raspravu u trajanju od 30 dana u skladu sa procedurama predviđenim Ustavom Federacije za donošenje Zakona i zajedničke nadležnosti Federalne vlasti i kantona.
- 3) Zadužuje se Stručna služba doma naroda Parlamenta FBiH da ovaj zaključak i Nacrt zakona o psihološkoj djelatnosti u FBiH dostavi kantonalnim skupštinama radi davanja mišljenja u roku od 30 dana od dana dostavljanja ovog zaključka.
- 4) Zadužuje se predlagač da prilikom izrade Prijedloga Zakona ima u vidu primjedbe, prijedloge i sugestije iznesene na sjednici Doma naroda, mišljenje kantonalne skupštine i mišljenja iznesena u javnoj raspravi.

8. Strategija razvoja Federacije BiH 2021.- 2027. godina,

Strategiju je utvrdila Vlada FBiH.

Predstavnički dom Parlamenta FBiH obavijestio je Dom naroda da je na 21. sjednici, održanoj 27.04.2021. godine usvojio Strategiju razvoja Federacije BiH 2021. - 2027. godine, u tekstu kako ga je predložila Vlada FBiH.

Strategiju razvoja Federacije BiH 2021.- 2027. godina razmatrala su nadležna radna tijela i dostavila svoje izvještaje.

Strategiju je obrazložio Nijaz Avdukić, predstavnik Federalnog zavoda za programiranje i razvoj.

U raspravi su učestvovali Elmedin Konaković, Jasmin Duvnjak, Aljoša Čampara, Aner Žuljević i Zvonko Marić.

Na osnovu rezultata glasanja, predsjedavajući je konstatovao da je Dom naroda, sa 33 glasa za, bez suzdržanih glasova i bez glasova protiv, usvojio Strategiju razvoja Federacije BiH 2021. - 2027. godine.

9. Izvještaj Parlamentarne komisije odgovorne za reviziju o revizijskim izvještajima revidiranih subjekata i korisnika Budžeta Federacije Bosne i Hercegovine za 2020. godinu,

Parlamentarna komisija odgovorna za reviziju dostavila je Izvještaj Parlamentu Federacije BiH radi usvajanja i prihvatanja.

Predstavnički dom obavijestio je Dom naroda da je na 30. sjednici održanoj 9.3.2022. godine razmatrao Izvještaj Parlamentarne komisije odgovorne za reviziju o izvještajima revidiranih subjekata i korisnika Budžeta Federacije za 2020. godinu i Zaključkom ga prihvatio.

Izvještaj je obrazložio generalni revizor.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 30 glasova za, prihvatio Izvještaj Parlamentarne komisije odgovorne za reviziju o izvještajima revidiranih subjekata i korisnika Budžeta Federacije za 2020. godinu sa predloženim zaključcima.

10. Izvještaj o zaduženju Federacije Bosne i Hercegovine po osnovu emisije (6Y) obveznica na dan 29.6.2021. godine,

Vlada Federacije BiH dostavila je Izvještaj o zaduženju Federacije po osnovu emisije obveznica radi informisanja Parlamentu Federacije BiH.

Predstavnički dom obavijestio je Dom naroda da je na svojoj 25. sjednici primio k znanju Izvještaj o zaduženju Federacije BiH po osnovu emisije obveznica (6Y) od 29.06.2021. godine.

U raspravi niko nije učestvovao.

Predsjedavajući je konstatovao da je Dom naroda primio k znanju Izvještaj o zaduženju Federacije BiH po osnovu emisije obveznica (6Y) na dan 29.06.2021. godine.

11. Izvještaj o zaduženju Federacije Bosne i Hercegovine po osnovu emisije (12M) trezorskih zapisa na dan 22.6.2021. godine

Vlada FBiH je dostavila Izvještaj o zaduženju Federacije Bosne i Hercegovine po osnovu emisije (12M) trezorskih zapisa na dan 22.6.2021. godine radi informisanja Parlamentu Federacije BiH.

Predstavnički dom Parlamenta Federacije BiH je obavijestio Dom naroda da je na svojoj 25. sjednici primio k znanju Izvještaj o zaduženju Federacije Bosne i Hercegovine po osnovu emisije (12M) trezorskih zapisa na dan 22.6.2021. godine.

Predsjedavajući je prije zaključenja sjednice u ime rukovodstva Doma naroda čestitao Uskrs svim pripadnicima katoličke vjeroispovijesti.

Sjednica je završila sa radom u 18:34 sati.

Transkript sjednice čini sastavni dio Zapisnika.

SEKRETAR
Izmir Hadžiavdić

PREDSJEDAVAJUĆI
Tomislav Martinović